

Шогшо эл, порымиз да гим берг!


Будь готов/

ЯМДЕ ЛИЙ

1933 ий 1 февраль годсек лектеш.

0+

ЎЯРНЯ - ПОЯН АРНЯ



О.ИЗИБАНОВ фотгожко.

Уремыште юарлыме йўк шокта: изижат-кугужат издер, ватрушко дене мунчалтат, «Шурно шуко шочшо!», «Кыне кужу лийже!», «Шуршым поктен луктам!» манын кычкырат. Йолгурык гыч мужыр дене волат. Тўрлў модыш дене модыт. Пўгеш онгырым сакен, имне дене ял йыр кудалыштыт. Конгаште мелнам кўэштыт. Могай пайрем тыге гўжла? Умылышда, очыни. Чын, Ўярня!

Теве Татарстан Республик Агрыз район Буймо школын тунемшыже-влак Евгения КОРНЕВА, Иделия ден Николь ИШМУРЗИНАМЫТ (снимкыште) авашт дене пырля тамле мелнам кўэштыныт да Ўярня пайремышке лектыныт. Мелнашт талингаште кече гай шыргыжеш да шошо толмым шижтара.

Х.АЛЕКСАНДРОВА.

8-14
МАРТ -
ЎЯРНЯ
АРНЯ.



Ворлдскиллс толкын шуйна

1-5 мартыште Йошкар-Олаште «Самырык профессионал-влак» (WorldSkills Russia) регионсы чемпионат эртаралтын. Тагасымаште 232 студент да 14-16 ияш 40 ўдыр-рвезе тўрлў компетенций дене мастарлыкыштым тергенят. Нунын пашаштым 300 утла эксперт аклен.

– Чемпионат лектышан лийын. Тудо мучашлалтын гынат, республикыште

Ворлдскиллс толкын дене паша умбакыже шуйна. Регионышто сєгыше-влак да нунын туньктышышт Марий Эл Республикысе Правительствын грантшым тений икымше гана налыт, – ойлен Марий Эл Республикысе образований да науко министр Н.В.Адамова.

Снимкыште: «Кондитер паша» компетенцийыште 1-ше вер дене палемдалтше, Йошкар-Оласе 30-шо номеран школышто тунемше Екатерина Кожевникова.

Х.АЛЕКСАНДРОВА ямдылен.

Сєгыше-влак Уфа олаште эртаралтше «Самырык профессионал-влак» IX национальный чемпионатыште Марий Элын чапшым аралаш тўналыт.



«Ямде лий» газетым йўратен лудшо туньктышо, ача-ава, коча-кова, йўча-влак!

Илыш ик верыште ок шого, эре уэмдалтеш, ончыко чыма. Газетым лукмо пашаштат вашталтыш-влак палдырнат. Теве ынде «Ямде лий» йўча газет самырык-влаклан лекше «Кугарня» газетыш ушнен, ик предприятий лийын. Тургыжланаш амал уке: «Ямде лий» ондакысе семынак посна газет семын савыкталтеш. Йўча газетын тўн редакторжын сомылжым шукташ мыланем ўшаненыт. «Ямде лийын» ятыр ий дене тапталтше поро йўлаже, сомылжо-влак улыт. Ончыкыжымат тудо самырык тукымым Шочмо элым пагалаш, порылык да чын верч шогаш кумыландаш тўналеш. Шочмо марий йылмым йўраташ да аклаш тунькта. Усталык шўлышан йўча-влаклан тўналтыш ошкылым ышташ полша, ўшаным пуа. Тугеже, икте-вєсылан энертен, ваш-ваш умылен, у сєнымашке шуаш шонен, йўча газетын волгыдо ончыкылыкшым пырля чонена.

Людмила ГРИГОРЬЕВА.

Эре ончыко!

Тельмсе триатлон дене республикысе тагасымашке 26 команде ушнен. Тошто Торьял школын ўдыр-рвезыже-влакат вий-куатыштым тергенят. Спортсмен-влак ече, ватрушко дене тагасеныт, винтовко гыч лўйылтыныт. Ече дене тагасымаште Анастасия Яндыганова 1-ше верым сенен налын. Никита Иванов 2-шо лийын, а Кирилл Ключев – 3-шо. Команде-влак коклаште нуно кумшо верыш лектыныт.

Виктория БУРДАКОВА.
У Торьял,
Тошто Торьял.



Марий Элысе увер

«Марий Эл Теле-радио» «Ме шарнена, ме кугешнена!» республикысе акцийым увертарен. Сартемылан, тылын труженикше-влаклан пўлеклалтше мурым йонгалтарыман але почеламутым лудман да konkurs@metr12.ru адрес дене электрон почтыш колтыман.

«Кугу Какшан» заповедник «Живой лес» акцийым увертарен. Кажне кумылан ен ушнен кертеш. Чодыраште тул лўдыкшыдымылык нерген листовкым ямдылыман да zhivoyles@list.ru адрес дене электрон почтыш колтыман.

Российысе увер

15-17 ияш тунемше-влак, «Страна открытий» всероссийский конкурсш 11 апрель марте ушнен кертыда. Видеороликым войзен, #странаоткрытий, #олан лўмжў (мутлан, #ЙошкарОла) хештегла дене TikTok сервисысе лаштыкыш верандыман.

Краеведений ушемын тунемшыже-влаклан «Краефест» всероссийский фестиваль эртаралтеш. Тудо ныл йыжынан лиеш. Школысо йыжын 15 мартыште тўналеш. Фестивальыш ушнаш йодмашым kraefest.ru сайтыште пуыман.



*Те, А. Толстой ден
Ф. Достоевскийн книга-
тым лудын, кумын дене
кутырен кертыда.*

*Книга - эртыше пагытым
пöртылтмышö машина.
Э.Радзинский.*

Книгагудо пашаен сылнымут тўняшке корным почеш. Кажне толшым порын вашлиеш, кўлешан книгаг муаш полша. Шернур посёлкысо К.Васин лўмеш книгагудышто паша кажне кечын шолеш. Йоча пöлкаште ўдыр-рвезе-влакым С.А.СЕРГЕЕВА вашлиеш.

– Светлана Аркадьевна, у технологийм илышышке шындарыме дене паша радамда вацталтын мо?

– Йоча-влак Интернетыште жапым утларак эртарат гынат, книга акшым йомдарен огыл. Интернетын кўлешлыкше нерген чылан палат. Меат илыш дене тöр каяш тыршена. Лудшына-влак дене онлайн йөн дене пашам ышташ тунем шуынна. «ВКонтакте» соцкылыште группына уло. Конкурсым, ончерым эртарена. Тўрлö акцийыш ушнена.

– Йочам книгаг лудаш кузе кумыландеда?

– Ушан да поро кумылан йочам книгаг деч посна кушташ неле. Ме книгаг лудаш кумылангышаш улына. Тиде эн тўн сомылна. Йоча-влак книгаг йöратышт манын, тўрлö йöнне кычалына. Библиотекеште «Книгаг дене пырля куш, ньога!» ушем пашам ышта. Еш дене лудашат йөн уло. У книга-влак дене палымым ыштена, калык модыш дене модыктена, мастер-классым, почеламу-

тым сылнын лудмо конкурслам эртарена. «Ончыкылык библиотеке – йочан да книгагудо пашаенгын шинчаончалтышышт дене» теме почеш сўретым сўретлен, «ВКонтакте» соцкылыште увертарыме «Мыйын йöратыме библиотекем» конкурсыш шукерте огыл ушнена.

– Тачысе кечын йоча-влак могай книгаг утларак лудыт?

– Тўналтыш класслаште тунемше-влак ойлымашым, йомакым йöратат. Кугурак икшыве-влаклан приключениям, фантастикке сынан произведенийла келшат.

– Марий книга-влакым куанен лудыт?

– Чаманен каласем, марий сылнымутым лудмо шотышто пашана изиш

«окшакла». Йоча-влак школышто марий йылмым тунемыт гынат, марла шагал лудыт. Школысо программыш марий литературым тунемме шагатым ешарат гын, лудшына-влак шукырак лийыт, шонем.

– Кузе шонедат, ончыкылык книгагудо могай лийшаш?

– Книгагудо книгаг аралыме вер веле огыл. Тушко толмеке, кажне ег канышаш, яра жапшым пайдалын да онайын эртарышаш. Мыланна книгаг эн шерге, а лудшо-влак эре вучымо улыт.

Е.ИВАНОВА мутланен.

Книга эн шерге, лудшо эн вучымо



Фотом книгагудын архивше гыч налме

1. Ким Васин кунам шочын?

- А) 1924 ий. Б) 1931 ий.
В) 1920 ий. Г) 1928 ий.

2. Писательын икымше ойлымашыже.

- А) «Саню». Б) «Эчу».
В) «Тул кайык». Г) «Ший мундыра».

3. Возымо пашаже могай газетыште икымше гана савыкталтын?

- А) «Ямде лий». Б) «Марий коммуна».
В) «Ўжара». Г) «Кугарня».

Тест

4. Калык писатель лўмым могай ийыште пуымо?

- А) 1953 ий. Б) 1975 ий.
В) 1984 ий. Г) 1978 ий.

5. Ким Васин кудо книгаг ямдылен?

- А) «Муро апшат».
Б) «Пеледме жап».
В) «Элнет».
Г) «Тўтан».

Увер

8-15 мартыште Ким

Васинлан пöлеклалтыше арня Шернур районысо библиотекелаште эртаралтеш. Йоча-влаклан виртуал ончер темлалтеш. Ўдыр-рвезе-влак калык писательын сылнымутышым ийкын лудыт, произведенийлажым лончылат.



КОКЫМШО ПӨРТ

Вероника ЧЕМОДАНОВАЛАН (снимкыште) У Торъял район Кўанпамаш ялысе книгагудо кокымшо пөрт гай. Ёдырым түрлө мероприятийыште ужаш лиеш. Тудо книгагудо пашаен-влаклан пайремым эртараш полша. Шукерте огыл эртаралтше «Библиотекекылан книга пөлекле» акцийыш ушнен да «Детские сказки» журналын 53 номержым пөлеклен.

– Мый йомакым лудаш йоратем. Авам мыланем «Детские сказки» журналым налеш. Мый тудын кажне лаптыкышым шергалам. Йолташем-влаклан каласкалем да нуным лудаш кумыландем. Мыланем эше «Ёжик» журнал келша. Шоҥшо ден йолташыже-влак чоя ребусым, задачым, лабиринтым, математике дене заданийым темлат. Кагазым пўчкеден, мотор арверым ыштем. Библиотекекыште могай гына книга уке?! Мёҥгө кайымат огеш шу, – оила Вероника.

Х.АЛЕКСАНДРОВА.

Фотом еш архив гыч налме.

Лудаш йоратем

Мый марий сылнымутан книга-влакым лудаш йоратем. Пел ий жапыште куд у книга лудынам. Урокышто түрлө произведенийым лончылена. Марий йылмым да литературым туньктышо Н.Д.Ильина мыланна книга конда. Сўретан, сылне книга-влаклан пеш йывыртена.

Женя БАТЮТОВ.
Волжский, Карай.

Сенгыше улам!

«Шочмо йылме» теме дене лэпбук конкурс тўналгыш класслаште тунемше-влак коклаште эртаралтын. Мый шке пашам дене сенгышыш лектынам.

Лэпбукыш марий алфавитым, калык пале, ойрө, тушто, ребус, мыскара, почеламут-влакым чумыренам. Лэпбукым сўретла, узорла дене сорастренам. Нуным шке ямдыленам.

Дарина ШАМЕЕВА.
Татарстан,
Агрыз, Пелемеш.



Фотом еш архив гыч налме.

Мутвундым пойдара

Самырык ёдыр-рвезе-влак книга молан шуэн лудыт? Мый ик амалым палемдем. Школышто ме түрлө произведений дене палыме лийына. Ятыр произведенийже XIX курымышто возалтын. Тунамсе илышым ме удан палена да тўн йодыш-влакым тўрысnek огына умыло. Кызыт мемнан чоннам XXI курымысо илыш тургыжландара. Туге гынат книга йоратен лудман. Кажныже молангынат сайлан тунькта. Книга мутвундынам пойдара, ушнам пўсемда.

Дима ВЕДЕНЬКИН.
1-ше номеран Шернур школ.

www.chitajfest.rgdb.ru сайтыште ончаш лиеш.

Всероссийский йоча книга арнашке ушнаш кумылда уло гын,
19 март марте йодмашым колтыза.



#Сўрет_ончер

Мария Илибаеван
«Наш солнечный зайчик»
ойлымашыже почеш Гузаль
НАРБАЕВАН сўретше.
Волжский, Пётъял.

Увер

20-28 мартыште йоча книга арня эртаралтеш. Российысе кугыжаныш йоча библиотекекы ямдылыме мероприятийже-влакым

Тўн герой деч тунемам

А.С.Пушкин – кумдан палыме руш поэт. Тудо сылнымутан произведенийым ятыр возен. Александр Сергеевичын «Капитанская дочка» романжым руш литератур урокышто лудынна. Произведений чонешем логалын. Тўн герой Петр Гринёв деч мый примерым налам. Тудо шонымашкыже шуаш тыршыше айдеме. Шке элжым йората да йоратымаш верч илышыжымат пуаш ямде.

Таня ТИМОФЕЕВА.
Морко, Коркатово.



Кроссворд

«Синее море, белый пароход» повесть почеш.

1. Икымше ужаыште кӧн ваштареш кедалме нерген ойлалтеш?
2. Тӱн герой.
3. Геран шолыжо.
4. Япон ӱдыр.
5. Действий могай олаште кая?
6. Гералан ачаже могай пӧлекым конден?
7. Йошкар ӱпан рвезын лӱмжӧ.

Лӱм: Геннадий Николаевич Машкин.

Шочын: 1936 ий 13 мартыште, Хабаровск олаште.

Тунемын: Иркутскысо горнометаллургический институтышто.

Произведенийже-влак: «Мелодии над ангарой», «Лютня», «Младший конюх», «Арка», «Родительский день», «Открытие» да шуко моло. «Синее море, белый пароход» йоча повестьшым англичан, немыч, румын, украин, француз да моло йылмылаш кусарыме.

Паша да чап: Йӱдвел мландыште геологлан пашам ыштен. СССР да Россий писатель ушемын енге. 2010 ийыште «Как слово наше отзовётся...» проект почеш Г.Н.Машкинлан пӧлеклалтше кином войзеныт.



Йоча писатель Г.Н.Машкинын шочмыжлан – 85 ий.

Келге шонымашан

#Лончылена

А.Фёдоровын «Шонго» ойлымашыжым йывырген лудым. Тудо кугытшо дене изирак гынат, шонымашыже келге. Ойлымаш мемнам, йоча-влакым, ваш келшен илаш тунукта. Владиклан пырля тунемше йолташыже-влак йонгылышыжым умылаш полшышаш улыт ыле. Очыни, але эше изирак улыт, сандене полыш кидым шуялтен огытыл. Ачан ушан улмыжым палемдыман.


Полина ПАЙБУЛАТОВА.

Морко, Коркатово.

Шке ыштыме книга

Ме утларакше тӱрлӧ издательствыште савыктен лукмо книга-влакым кидышына налына. Шке ыштыме савыктыш-влак моткоч шуэн вашлиялтат. Советский район Ронго школын тунемшыже-влак библиотекекылан шке гыч ыштыме книга-шамычым пӧлекленыт. Теве 5-ше классыште тунемше Аня СТЕПАНОВА (снимкыште) пӱртӱсым аралыме нерген калыкмут-влакым чумырен.

– Увер-влакым книгалаште да Интернетыште кычалынам. Нуным принтер гоч печатлен луктынам. Тӱрлӧ чия дене шкеак сӱретленам. Мыланем авам полшен. Йоча-влак книга-мым кучылташ тӱжалыт манын ӱшанем, – ойла ӱдыр.




Х.ГЕННАДЬЕВА.



19 март – 1967-1988 ийлаште «Ямде лий» газет редакцийыште пашам ыштыше писатель да журналист **Валентин Исенековын** шочмо кечыже.

Кӱчык мыска-ражым лудаи темлена.

ӱдыр-рвезе-влак, сӱретым ончен, книга-тыге ыштен кертыда.



Палаш онгай

Тӱнямбалне эн кугу книгагудо Вашингтонышто СМАН-ан Конгрессыштыже верланен. Тӱшто 158 миллион утлакнига аралалтеш.

Льюис Кэрроллын (Марльз Лютвидж Доджсон) «Алиса в стране чудес» йомакшым 125 йылмыш кусарыме. Янлык-влакын мутланен моштымаштан кӧра тиде книга-гам 1931 ийыште Китайыште лудаи чареныт.

Вареньылан гына

Мики модын ситарышат, пӧртыш куржын пурыш. Тыманмеш ӱстел коклаш верланыш.

– Ковай, кочмем шуэш, моткоч шуженам.

– Торык уло. Пучымыш ончылнетак, – коваже кочкышым ончыктылеш. – Кӱлеш гын, тева шӱрым пыштен пуэм.

– Уке, тидлан огыл. Мый вареньылан гына шуженам.





Еш дене лудына

Изи Натуш аваж дене ялыште кана. Тудо куваважлан эреак полша: пакчаште шүкшудымат сомыла, вўдымат шаваш полша, сурткайыкымат онча, пўртымат йытырая. Кечыгут йол ўмбалне шогылтын, Натуш, ноен, кастене мален колта.

Пеш эр, кече лекме деч ондакак, йылдырий агытан изи чукайым помыжалтара: «Ку-ка-ре-ку! Нату-уш! От кынел гын, шикшан мончаш петырен кырем!»

Ўдырын окнашкыже ныжыл кече пурен. Тўжем сескем дене Натушын шўргыжым ниялта да чыгылта. Тудо пурт веле кынел шинчеш, почмо окна гыч вуйым луктын, шырчыкиге гай йырым-йыр онча. Чевер агытан поче-поче муралта: ку-ка-ре-ку! Ку-ка-ре-ку! Ку-ка-ре-ку!.. Комбыжат когокла, лудат «мутлана», чыват кекекла: ке-ке-ке-ке! А иган чыве тыгыде тукымжым шке декыже тыге ўжеш: кут-кут-кут. Толза вашке, пырчым пукшем, кут-кут-кут! Саре, шеме, чувар, ош иге-влак авашт деке танасен куржыт: чик-чик-чик...

Натуш вашке гына чия, кинде ден шўрым кочкеш да кудывечыш лектеш, изи чывиге-влаклан шўрашым пышта. Тыртышнер сўсналан паренге лапашым намиен кода. Полдышнерет изи шинчаж дене Натам чоян ончале, вара чопкен кочкаш пиже.

– Коч, коч! Адак кондем. Вара энер дек колтем, – туп тура ниялтен вўчалта.

Кенета ала-кушеч Олач кудал лекте.

– Ам-ам-ам! Мылам-мылам... – тудат йодеш.

– Тыят кочнет? Кызытак конден пуэм, – Натуш пийын вуйжым ниялта, кугу пулашка дене кочкаш луктеш. Олачын пўрт воктенже шында.

Ик эрдене Натушын аваже мўнгыжў, олашке, кайыш. Натуш ден куваваже коктын веле кодыч.

– Кў ынде яндар памаш вўдым конда? – ойган йўкым лукто кувавай.

– Мый, – тўршталгыш Натуш.

– Тый изи ведра дене конден керат, но окалчаште осал тага к у д а –

#Мўнгысў паша

Ойлымашым ешыште але классыште лудса да канашыза.

Сўретым сўретлыза да редакцийышке колтыза.

Натуш коважын мутшымы молан кольыштын огыл?

Ойлымашыште йомакым мо ушештара?



Изи Натуш аваж дене ялыште кана. Тудо куваважлан эреак полша: пакчаште шўкшудымат сомыла, вўдымат шаваш полша, сурткайыкымат онча, пўртымат йытырая. Кечыгут йол ўмбалне шогылтын, Натуш, ноен, кастене мален колта.

Надежда ЯЛКАЙН



ЙОМАК СЕМЫН

Ойлымаш

лыштеш, тудо ўргаш пеш йўрата.

Тый пыртак вучалте, мый изиш каналтем. Вара коктын каена.

Кувавай пўртўнчыл койкеш возо, нералтен колгыш.

Наташа куваважым ончале, одеял дене леведе. Пий деке лишемат, шып пелештыш:

– Вўдлан каем.

Пий ўрмалген ончале, йўкым ыш пу.

Йошкар пеледышан канде кок ведрам вўдвараш сакен, Натуш Олачлан тўен каласыш:

– Тый пўртым ороло, а мый вўдым кондем. Ужат, кувавай ноен, тудо шонго, вўдым нумалын огеш керт.

Вара ўдыр анысыр урем дене окалчашке лекте, памаш вельш мурен-мурен ошкыльо.

Ўдыр йолгорно дене йыргыктыше памаш гай весела мурым йонгалтарен кая. Памаш – нўлпў пушенге коклаште. Ала Натуш мура, ала памаш тыге шыргыкта – нигузе умылаш ок лий.

Ведраш вўдым тичак кошталят, мўнгеш тарваныш. Эңер серыште вольыкым ужо. «Ала ўргедылше тага тушто?» – шоналтыш.

Ошкылеш тыге Натуш. Кенета ала-кушеч кудыр вуян тага кудал лекте. Кок тўкым шогалтен, Натуш деке кудал толеш.

Мом ыштыман? Кушко пурыман?

Тиде жапыште нуж кокла гыч Тыртышнер кроклен лекте, тунамак ўргалаш тўчышў тага деке аник-муник веле койо. Олач кудал тольо, тага ваштареш шогале. Агытан савар ўмбалне кычкыра: «Тыгай тушманым кондыза мый декем! Шикшан мончаш петырен кырем!»

Йўршын йомак гаяк лекте.

Тыгай вийым шижын, тага лўдын кудале.

Ф.ЛЕБЕДЕВАН сўретше.

Печать да массовый коммуникации шотышто федерал агентствын окса польшыж дене лукмо.

Пиал көлан шыргыжалын?



Лотерей

Түн приз – номер-влак почеш чиялтышаш сүрет – Кужэнер район Йырмарий ял гыч А.Кузнецовлан логалын.

Модыш – Е.Григорьева (Морко посёлко). **Пуэн о в а р т ы м е м е ч е** – Р.Антропова (Советский, Ёрша). **Пазл** – В.Смирнов (Морко, Коркатово). **Акварель чия** – А.Иванов (Шернур, Лажъял). **Носки** – Л.Гаврилова (Морко, Тыгыде Морко); Т.Терехова (Йошкар-Ола). **Пластилин** – Т.Лапина (Параньга, Кугу Пумарий). **Тетрадь набор** – Л.Якимова (У Торъял, Элеволко). **Ручка набор** – Г.Медведева (Шернур, Тоски). **Мозайке конструктор** – Е.Громова (Советский, Кукмарий). **Пенал** – З.Загайнова (Советский, Шүдысола). **Фоторамке** – Н.Алембаева (Советский, Кужмара). **Открытке набор** – Р.Сабилова (Морко, Коркатово).

2021 ийын икымше пелийжылан подпискым ыштыше-влак коклаште лотерей модышым Эчур ден Пампалче курчакна-влак дене пырля эртарышна. Редакцияшке ятыр серыш пурен. «Ямде лий» газет дене пырля лиймыланда кугу таум ойлена.

В.Исенеков «Капар тукум» книга – Н.Васильева (Волжский, Пётъял). **Фрисби**

Рекламе.




М. ШКЕТАН ЛҮМЕШ МАРИЙ КУРГЫЖАНЫШ ДРАМЕ ТЕАТР

МАРТ

| | | | |
|----------------|------------------------------------------------------------------------------------------|----------------------------|---------------|
| 6 шм 16:00 | ЭХ, КУШТО ҮДЫРЫМ МУАШ? Комедия | А. Погов | 2 сар |
| 7 рш 16:00 | АРАЛЫЗА ҮДЫРАМАШЫМ... ...ҮДЫРАМАШ ДЕЧ АРАЛААТСА | | |
| 13 шм 16:00 | БАВАЙ / БА Комедия | Ю. Тупикина | 2 сар 30 мин. |
| 14 вс 11:00 | НӨНЧЫК ПАТЫР Июнал | Н. Куваных | 1 сар 15 мин. |
| 14 рш 16:00 | ШАРНЕТ, ЭЛИСА? Драма | К. Корнуков | 2 сар |
| 19 кг 18:00 | МАРИНАВТ-ВЛАК АЛЕ ТЕБЕ КУШТО ИЛЫШЕТ! /Маринавты или Вот где жизнь! | З. Долгова С. Ямагулова | |
| 20 шм 16:00 | ШИЙ ПАМПАЛЧЕ Мюзикл | | 2 сар |
| 25 ис 18:00 | ОКСА ТУЛ / Блеск монет С. Чабантын проинсценировка-влак инетизше калык комедия | Ю. Байгула В. Пектеев | 2 сар 10 мин. |
| 26 кг 18:00 | МАРИНАВТ-ВЛАК АЛЕ ТЕБЕ КУШТО ИЛЫШЕТ! /Маринавты или Вот где жизнь! | З. Долгова | |
| 31 вр 18:00 | ЕН МАРИЙ - ВОТ МАРИЙ! /Прибайкальская кадрий | В. Гуркин | 2 сар 10 мин. |

16 март – Түрлө чиян карандашын кечыже.

Карандашым пүсемдымеке, шўжкшым ида кудалте. Эн ончыч тыланда келшыше сўретым сўретлыза. Вара ўмбакше клей дене шўжкшым пижыктыза.



Ик кугу пушеҥге гыч 300 тўжел карандашым ышташ мш.



Индекс: П4696.
Тираж 1150 экз. Заказ
Формат – А-4.
Тўн редактор
Л.Н.ГРИГОРЬЕВА.
https://vk.com/yamde_lji
<https://ok.ru/yamdelji>
E-mail: yamde_lji@mari-el.ru
(документ кагазлан),
yamde_lji@mail.ru
(автор-влаклан)
Сайтын адресше:
yamdelij.rp

УЧРЕДИТЕЛЬ-ВЛАК: Мари́й Эл Республикысе культу́р, печать да калык-влакын пашашт шотышто министерстве, «Ямде лий» газет.
Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем,112.

Газетым Массовый коммуникаций сферыште да культу́р наследи́йым аралымаште законодательствым шуктен шогным эскерыше Федеральнй службн Приволжский федеральный округысо управленийыштыже регистрироватлыме.
Номер – ПИ №ФС 18-1999, 2005 ий 10 февральыште пуымо.

0+ Печатьыш пуымо жап – 14-00, фактически – 13-00
Авторын да редакцийын шонмашышт түрлө лийын кертят. Серыш-влак мөнгеш огыт колталт.
Ак – кутырен келшыме почеш.
Редакцийын да издательын адресше: 424006, Йошкар-Ола, СССР Вооружённый Вийын 70-ше идалыкше урем, 20-шо пöрт. Тел. 8(8362) 45-22-82(факс)

Теле каныш



Конкурс

Конкурсым иктешлаш жап толын шуо. Эн шуко лайкым У Торъял район Токтарсола ял гыч Кира ВЕСЕЛОВА (снимкыште) поген. Тудым редакцийыште пöлек вуча.

Корным муын, тылзе дүм-влакым чын верандыза.

Икгай тўсан лыве-влакым ушыза.



Математике кроссворд

| | | | | |
|----|---|---|---|----|
| 3 | + | | = | 12 |
| x | | x | | |
| | : | 2 | = | 6 |
| = | | = | | = |
| 36 | : | | = | 2 |

| | | |
|----|---|----------|
| 1 | ● | Ўярня |
| 2 | ● | Ага |
| 3 | ● | Сүрем |
| 4 | ● | Сорла |
| 5 | ● | Кылме |
| 6 | ● | Идым |
| 7 | ● | Шыжа |
| 8 | ● | Пургыш |
| 9 | ● | Шорыкйол |
| 10 | ● | Теле |
| 11 | ● | Вүдшор |
| 12 | ● | Пеледыш |



Кроссворд

Ўярня пайрем



Шола гыч пурлашке:

3. Эше тудым «ўярнявара» маныт. 5. Ўдырамаш-влак туддене мунчалтеныт. 6. Пайрем годем могай насекомыйым покненыт? 7. Ўярняште мунчалтыме ўзгар.


Кўшыч ўлыкō: 1. Тушан шинчын, курык гыч воленыт. 2. Погеныт, вара йўлалтеныт. 4. Ожно марий ўден. 5. Ўярня жапысе модыш.

В.СМИРНОВ ямдылен.


Ойыртемалтше кайыкым муза.



Емыж-саскалан яшлыкышкышт логалаш полшыза.



Тыште мынар фигурым ухыда? Шотлыза да чыялыза.



Интернетысе сүрет-влакым кучылтмо.